

ქ. თბილისი

7 დეკემბერი, 2018 წ.

ერთი მხრივ, საქართველოს სახალხო დამცველის აპარატი (შემდგომში - შემსყიდველი), წარმოდგენილი საქართველოს სახალხო დამცველის პირველი მოადგილის თამარ გვარამაძის სახით და მეორე მხრივ, შპს „მბს“ (შემდგომში - მიმწოდებელი), წარმოდგენილი მისი დირექტორის ანა ნებულიშვილის სახით, „სახელმწიფო შესყიდვების შესახებ“ კანონის დაცვით 2018 წლის 15 ნოემბერს გამოცხადებული ელექტრონული ტენდერის №SPA180008621 ფარგლებში ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

2. ხელშეკრულების საგანი და მოწოდების ვადა

- 2.1. მიმწოდებელი მიაწოდებს შემსყიდველს დანართ N1-ში მოცემულ პროდუქციას (CPV 30200000 - კომპიუტერული მოწყობილობები და აქსესუარები) ხელშეკრულების გაფორმებიდან 10 (ათი) კალენდარული დღის განმავლობაში.
- 2.2. ხელშეკრულებით გათვალისწინებული საქონლის დეტალური აღწერა მოცემულია დანართი N1, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს 14,885.00 (თოთხმეტი ათას რვაას ოთხმოცდახუთი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. საქონლის ღირებულების ანაზღაურება განხორციელდება მიმწოდებლის მიერ ფაქტიური ხარჯის დამადასტურებელი საანგარიშსწორებო დოკუმენტაციის (მიღება-ჩაბარების აქტი) შემსყიდველისთვის წარდგენის შემდეგ, უნაღდო ანგარიშსწორებით, მიმწოდებლის მიერ მითითებული რეკვიზიტების მიხედვით.
- 4.2. ანგარიშსწორების ვადა – შესაბამისი საანგარიშსწორებო დოკუმენტაციის გაფორმებიდან არაუმეტეს 10 (ათი) სამუშაო დღის განმავლობაში.
- 4.3. მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,01%-ის ოდენობით;

5. მიღება-ჩაბარების წესი

- 5.1. საქონელი ჩაითვლება მიღებულად მხოლოდ შესაბამისი საანგარიშსწორებო დოკუმენტაციის გაფორმების შემდეგ.
- 5.2. შემსყიდველის მხრიდან ამ მუხლის 5.1. პუნქტში აღნიშნულ საანგარიშსწორებო დოკუმენტაციას ხელს მოაწერს „ხელშეკრულების მე-7 მუხლის 7.1. პუნქტით განსაზღვრული უფლებამოსილი პირი.

6. მხარეთა უფლება-მოვალეობანი

- 6.1. შემსყიდველი უფლებამოსილია:
ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 6.2. შემსყიდველი ვალდებულია:
უზრუნველყოს მიმწოდებლის მიერ მოწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.3. მიმწოდებელი უფლებამოსილია:

მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

მიაწოდოს საქონელი სათანადო ხარისხითა და სრული მოცულობით, განუზრუნავდ და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორები: **მამუკა დავითაშვილი** - ანალიტიკური დეპარტამენტის მთავარი სპეციალისტი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად მისაწოდებელი საქონლის მიწოდების ვადების, მოცულობის, ხარისხის კონტროლს და ხელშეკრულების მოთხოვნებთან შესაბამისობის დადგენას.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. გარანტია

8.1. ხელშეკრულების საფუძველზე შესყიდული საქონლის საგარანტიო ვადები მოცემულია დანართ N1-ში.

8.2. საგარანტიო ვადის ათვლა იწყება შესაბამისი საანგარიშსწორებო დოკუმენტაციის (მიღება-ჩაბარების აქტი) გაფორმების თარიღიდან.

8.3. პროდუქციის გაფუჭების შესახებ შეტყობინების მიღების შემდეგ მიმწოდებელი დაუყოვნებლივ უზრუნველყოფს პროდუქციის შეკეთებას ან ახლით ჩანაცვლებას, ხოლო პლანშეტური კომპიუტერის (ტაბლეტი) შემთხვევაში, უზრუნველყოფს პროდუქტის მწარმოებლის მიერ ავტორიზებულ ოფიციალურ სერვის ცენტრში გადატანას, სადაც დაუყოვნებლივ მოხდება დაზიანების იდენტიფიცირება და პროდუქტის შეკეთება:

ა) არაუგვიანეს მეორე სამუშაო დღისა თუ შესაცვლელი ნაწილი ადგილზე;

ბ) არაუგვიანეს 15 კალენდარული დღისა თუ შესაცვლელი ნაწილი შესაკვეთია.

8.4. პროდუქტის შეკეთება ნიშნავს იმას, რომ მან ფუნქცია სრულად უნდა აღიდგინოს.

8.5. თუ შემოწმების შედეგად დადგინდა, რომ პროდუქტის შეკეთება შეუძლებელია, ის უნდა ჩანაცვლდეს ახლით.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა (ფორს-მაჟორი)

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ განთავისუფლდება ნაკისრი ვალდებულებებისაგან.

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. მხარეთა პასუხისმგებლობა

ხელშეკრულების პირობების დარღვევის შემთხვევაში, მხარეები პასუხს აგებენ ნაკისრი ვალდებულებების შეუსრულებლობისათვის ან/და მისი არაჯეროვნად შესრულებისათვის კონკრეტულ შემთხვევაში მიყენებული ზიანის ოდენობით, ურთიერთშეთანხმებით, ან კანონმდებლობით გათვალისწინებული წესის შესაბამისად.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების გაფორმების თარიღიდან და მოქმედებს 2019 წლის 31 იანვრის ჩათვლით.

13. მხარეთა რეკვიზიტები

შემსყიდველი: საქართველოს სახალხო დამცველის აპარატი მის: ქ. თბილისი, დ. აღმაშენებლის გამზ. N150 ს/კ: 203860679 ტელ: 598 08 30 06; 1481 (ცხელი ხაზი) ელ-ფოსტა: mkvitsiani@ombudsman.ge სახელმწიფო ხაზინა კოდი: TRESGE22 ა/ა: 200122900  სახალხო დამცველის პირველი მოადგილე თამარ გვარამაძე	მიმწოდებელი: შპს „მბს“ მის: ქ. თბილისი, შევჩენკოს ქ. N5 ს/კ: 203838277 ტელ: 2 99 77 12; 577 41 14 92 ელ-ფოსტა: ana@mbc.ge სს „თიბისი ბანკი“ ბანკის კოდი: TBCBGE22 ა/ა: GE55TB 1888 9360 2010 0005  დირექტორი ანა ნებულიშვილი
---	--

შესყიდვის ობიექტის დასახელება	შესყიდვის ობიექტის აღწერილობა / სპეციფიკაციები	მწარმოებელი ქვეყანა და კომპანია	რაოდ (ცალი)	ერთ. ფასი (ლარი)	მთლიანი ღირებულება (ლარი)	გარანტია
პლანშეტური კომპიუტერი (ტაბლეტი) + თავსებადი იგივე მწარმოებლის კლავიატურა Huawei MateBook E Titanium Gray BL-W09	ოპერაციული სისტემა Windows 10 Home, ეკრანის ზომა 12.0", IPS ტექნოლოგია, გაფართოება 2160 x 1440 pixels, კუთხე 160, კონტრასტულობა 1000:1 ფერთა გამა NTSC 85% სენსორული ეკრანი TOUCH, ცენტრალური პროცესორი Intel Core M3-7Y30 1.00GHz Dual, ოპერატიული მეხსიერება 4გბ, მყარი დისკი 128GB SSD ბლუთუსის მხარდაჭერა დიახ, წონა 1.1კგ, ბატარეის მუშაობის ხანგრძლივობა 6 საათი ვიდეოს რეჟიმში, ბატარეის დატენის დრო 2:03 საათი, კლავიატურა: თავსებადი იგივე მწარმოებლის კლავიატურა.	ჩინეთი Huawei	5	2,646.00	13,230.00	1 წელი
ფლეშ მეხსიერება Kingston ADATA UV131 16 GB, USB 3.0, Metal Grey	მეხსიერება 16 GB USB მეტალის	ჩინეთი ADATA	25	28.00	700.00	1 წელი
კომპიუტერის მაუსი A4Tech Mouse OP-720, wired, 3D optical, Black	კაბელის მქონე მაუსი კონკრეტულად, USB შესაერთებელით თავსებადი ნებისმიერი ლეპტოპზე და კომპიუტერზე	ჩინეთი A4Tech	50	15.10	755.00	1 თვე
ყურსასმენი Samsung EO- HS1303 (EO- HS1303BEGRU) - Black	ყურსასმენის ტიპი: ყურში (In-Ear) დინამიკების რ-ბა 2 ცალი; აუდიო სისტემა: დახურული დინამიკების დიამეტრი: 8 მმ სიხშირე: 20 - 20 000 Hz მგრძნობელობა: 102 დბ კაბელის სიგრძე: 1,2 მეტრი შეერთების ტიპი: 3.5 (თავსებადი ლეპტოპებზე) მიკროფონი: კი ფერი: შავი	ჩინეთი Samsung	10	20.00	200.00	1 თვე
მთლიანი ღირებულება დღგ-ს გათვალისწინებით:					14,885.00	

შემსყიდველი: საქართველოს სახალხო დამცველის აპარატი სახალხო დამცველის პირველი მოადგილე თამარ გვარამაძე 	მიმწოდებელი: შპს „მზს“ დირექტორი ანა ნებუღიძე 
---	--

ინფორმაცია №SPA180007031-2018-26
ინტერესთა კონფლიქტის არარსებობის შესახებ

ქ. თბილისი

7 დეკემბერი 2018 წ.

მე, ქვემოთ ხელის მომწერი, მამუკა დავითაშვილი (სახალხო დამცველის აპარატის ანალიტიკური დეპარტამენტის მთავარი სპეციალისტი - ხელშეკრულების ჯეროვნად შესრულებაზე პასუხისმგებელი პირი), „სახელმწიფო შესყიდვების შესახებ“ საქართველოს კანონის მე-8 მუხლის მე-4 პუნქტის შესაბამისად, ვადასტურებ, რომ საქართველოს სახალხო დამცველის აპარატის მიერ 2018 წლის 7 დეკემბერს ელექტრონული ტენდერის საშუალებით გაფორმებული ხელშეკრულება №SPA180008621-2018-26-ის ფარგლებში „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტით გათვალისწინებული საქმიანობა არ იწვევს ინტერესთა კონფლიქტს.

მამუკა დავითაშვილი

